



Anna Wangenheim
Inatsisartunut ilaasortaq, Demokraatit

04-12-2024
Suliap normua- 2024 - 21904.
Allagaatip suussusaa:
24777044

§ 37 naapertorlugu apeqputip nr. 233/2024-p akineqarnera

Asasara Anna Wangenheim

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naanoq.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqputit uannut akisassanngorlugit innersuussutigineqartut qujassutigaaqka.

Apeqputit issuarneqartarput tamatumalu kingorna akineqarlutik.

1. Naalakkersuisunut uppersaqquneqarpoq imaluunniit eqqunngitsuusoq uppersaqquneqarpoq Peqqinnissaqarfik innuttaasunut, suliartik tunngavigalugu peqqissutsimut uppersaammik takutitsisussanut, peqqissutsikkut misissuineq unitsinneqarsimanersoq?

- a) Iluemoorsimappat uku ilisimatitsissutiginnissaat kissaatigineqarput:
- Matumani suna tunngaviua?
 - Assersuutigalugu upalungaarsimasunut sulisunullu allanut, oqartussanik sullissisunut, akuttunngitsumik peqqissutsimut uppersaatinik piumasaqartartunut, suut kingunerissavai?

Akissut:

Peqqinnissaqarfik innuttaasunut allattorsimaffik Naalakkersuisut nittartagaanni saqqummiunneqartoq¹ naapertorlugu uppersaatinik tunniussisartoq, Naalakkersuisut ilisimatitsissutiginninnaavaat..

Inatsisartut Ombudsmandiata januaarimi 2023-mi Peqqinnissaqarfiup taamanikkut peqqissutsimut uppersaatinik tunniussisarnermut periusaa inatsimmi naammaginangitsumik tunngaveqarunartoq, Peqqissutsimut Naalakkersuisoqarfimmut ilisimatitsissutigaa. Tamanna tunuliaqutugalugu peqqinnissaqarfiup periutsini tamatuma kingorna nalilersorlugulu naleqqussarpaa.

Suliassaqarfinit assigiinngitsunik piumanninnermut piareqqaniarluni, peqqissutsimut uppersaatinik tunniussinissamut ersarissumik ullumikkut tunngaveqarfiunngitsumik nalilerneqartuni, Naalakkersuisut suliassaqarfinnut attuumassuteqartunut inatsisat naleqqussarneqarnissaat sulissutigaa. Naalakkersuisoqarfiit suliassaqarfimmut akisussaasut inatsisitigut tamanna.

¹ https://naalakkersuisut.gl/Departementer/Dep_for_Sundhed/Raad_og_jura/Sundhedslovgivning?sc_lang=kl-GL

- a) Kingunerisassanut tunngatillugu apequtip akissuteqarfiginissaanut naalackersuisoqarfinnut attuumassuteqartunut akissuteqartitsisoqarpoq. Piffissami matumani kingunerisinnaasai pillugit tamakkiisumik qulaajaasoqarsimangilaq. Ineqarnermut Attaveqaasersuutinullu Naalackersuisoqarfik ilisimatitsivoq, peqqissutsimut uppernarsaatit amigaataatillugit, mittarfiit ingerlanneqarnerinut, kiisalu imarsiortut suliaqarnerinut kinguneqartitsisinnaasoq ilisimatitsipput. Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfik ilisimatitsivoq, imarsiornermik ilinniartimmumut sunniuteqarsinnaasoq. Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik ilisimatitsivoq, tamanna upalungaarsimanermik ilinniartitsinerumut sunniuteqarsinnaasoq.

Naalackersuisut soorunami kingunerineqarsinnaasut qulaani pineqartut pinngitsoortinneqarnissaat maluginiarpaat, taamaattumillu oqartussat attuumassuteqartut akornanni suliani aalajangersimasuni utaqqiisaasumik aaqqiissutinik tunngaviusumik suliarinnittoqartarpoq.

2. Naalackersuisunut uppernarsaquneqarpoq, ilumoornersoq ilumuunnginnersorluunniit, Peqqinnissaqarfimmi atorfiit tapputsinneqarsimaneri sulisussanik pissarsineq ajulernerup toqqaannartumik kingunerisaanik, taamaaliornerullu kingunerigaa sulisut ilaasa suliassanik amerlanernit siusinnerusumiit tiguisariaqalernerat?

- a) **Taamaassimappat nalunaarutigeqquneqarpoq, Naalackersuisut kattuffiit susassaqartut isummersoqatigineraat atorfinitsitaanermi allannguutinut tunngatillugu sulisumut ataatsimut suliassat amerlinerisigut allannguuteqarneq tunngavigalugu?**

Akissut:

Kalaallit Nunaanni Peqqinnissaqarfik pissutsit atuuttut tunuliaqutigalugit sulianik suliarinnittarnermik ataavartumik naleqqussaasarpog. Atorfinnik kattussisoqarsimatillugu ingerlatsinermit aalajangerneqartarpoq, matuminngalu Naalackersuisut ilisimatitsissuteqarfigineqartanngillat.

Kalaallit Nunaanni Peqqinnissaqarfimmi atorfeqartitsinerit akissarsiaqartitsinerillu isumaqatigiissutit atuuttut malillugit pisarput.

3. Naalackersuisut nassuiarsinnaanerlugu, sooq Peqqinnissaqarfimmi ilinniaqaqqinnissamut ilinniaqqinnissamullu aningaasaat immikkoortitat sooq atorneqannginnersut?

- a) **Ilinniaqqinnerit piginnaanngorsarnerillu sooq pingaartinneqanngillat?**

Akissut:

Peqqinnissaqarfimmi ilinniaqqinnermut ingerlariaqqiffiusumillu ilinniarnermut (Aningaasanut inatsimmi "ineriartortitsinerumut aningaasaliissutit-nik" taaneqartut) 2024-mi novembari 2024-p qeqqani 132.000 koruuninik sinneqartut, Naalackersuisut ilisimatitsisinnaapput. Tapiissutinik pissarsisut ataavartumik atuisinnaasarmata, ukiumut

naatsorsuusiorfik tulliuuttoq naammassippat qanoq aningaasaliisoqarsimatiginersoq aatsaat Peqqinnissaqarfimmit paasineqartarpoq. Aningaasat peqqinnissaqarfimmi sulisunut ilinniaqqinnermut aamma ingerlariaqqiffiusumik ilinniarnermut aningaasat naapertuuttumik atorneqarnissaat qulakkeerniarlugu Naalackersuisut tunngavissamik qulakkeerinnipput, ukiup naatsorsuiffiusup naanerani aningaasat sinnerussinnaasut ukiup tullissaanut aningaasanut inatsimmut nuunneqassasut, piginnaasanillu ineriartortitsinermut sulit atorneqarsinnaassallutik. Aningaasat 2025-mut aningaasaliissutigineqartut tamarmik atorneqarnissaat naatsorsuutigineqarpoq.

Konto pingaarneq 34.12.02 Nunatsinni Peqqinnissakkut Ilinniartitaanikkullu suliniutini aningaasat atorneqanngitsut allat ilinniaqqinnermut aamma ingerlariaqqiffiusumik ilinniarnernut atuinikinnerunermut attuumassuteqanngillat.

- a) Naalackersuisut aamma peqqinnissaqarfiup peqqinnissaqarfimmi sulisut aalajangersimasumik atorfeqartut ilinniaqqinnissaat aamma ingerlariaqqiffiusumik ilinniarnissaat pingaartippaat. Aammattaaq Peqqinnissaq pillugu Isumaqaatigiissut 2023-mi tamanna atuarneqarsinnaavoq, ilaatigut ilinniartitaanermik pilersaarusiorneq ataqaatigiissaagaq suliniutini salliutinneqartoq.

4. Naalackersuisunut uppernarsaqquneqarpoq, ilumoornersoq ilumuunnginnersorluunniit, Peqqinnissaqarfik napparsimasut angallanneqartarnerannut akinik isumaqaatiginninnialersimanersut?

- a) **Taamaassimappat kissaatigineqarpoq nalunaarutigineqassasoq, qaqugu isumaqaatiginninniarnarit aallartissimanersut qaqugulu inernerinik takussutissaqalissanersoq naatsorsuutaanersoq?**
- b) **Aammattaaq kissaatigineqarpoq Naalackersuisut isumaqaatiginninniarnermi peqataanersut taamaassimassappallu Naalackersuisut arlaat, tassunga akisussaannersoq nalunaarutigineqassasoq.**

Akissut:

Napparsimasut angallanneqartarnerat pillugu akinik isumaqaatiginninniarnernik ingerlasoqanngitsaq, Peqqinnissaqarfiup Naalackersuisunut ilisimatitsissutigaa.

Aningaasanut Inatsit 2025-mut konto pingaarneq 34.12.03 oqaasertaliussamik, Kalaallit Nunaat tamakkerlugu aamma Danmarkimut napparsimasunik angallassisarnissamut Air Greenlandimut isumaqaatigiissuteqarsinnaanermik Naalackersuisunut pisinnaatitsisumik ilanngussisoqarpoq. Upernaakkut 2025-mi tamanna pillugu isumaqaatigiissuteqartoqarnissaa naatsorsuutigineqarpoq.

- a) Siuliani akissut innersuussutigineqarpoq.
- b) Naalackersuisut isumaqaatigiissutit pillugit isumaqaatiginninniarnernut peqataasannngillat, taamaattorli isumaqaatiginninniarnernup inernerani Naalackersuisut akuerisussaavaat.

5. Naalackersuisut pineqartumut allanik paasissutissiisinnaanerlutik?

Akissut:

Naamik.

Med venlig hilsen

Inussiarnersumik inuulluaqqusillunga



Agathe Fontain